



UNIVERSITÄTS-  
BIBLIOTHEK  
PADERBORN

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Quomodo & aliter fructus simul componi possint. Cap. V.

---

[urn:nbn:de:hbz:466:1-70772](#)

in insitionis locum, quumque germina proferret, exy-  
triusque cortice acris, & dulcis vnum prosiluit germen,  
quod eiusmodi mala protulerit. Vnde ita arte effici po-  
terit, cui eiusmodi mala producere cordi fuerit.

*Quomodo & aliter fructus simul componi possint.*

C A P. V.

**A**LIVD quoque afferemus artificium, quo simul  
fructus admisceri, & componi possint, ab antiquis  
traditum, et si mihi non solum difficile, sed impossibile  
videatur. Sed quia hec à grauiorib. viris descripta sunt,  
referre non dignabor, et si mihi periclitanti experi-  
entiæ non successerint, non ex hoc ansam diligentiori-  
bus tollemus, quin experiantur; fortasse fortuna dili-  
gentiæ fauebit. Modus erit, ut multa semina diuersa-  
rum arborum, & fructuum vna lacinijs colligantur, &  
serantur: nam ex omnibus simul enascentibus è multis  
cauliculis vna colligatis, ne diuelli, aut auelli possint, in  
vnum coeant, & sic diuersos fructus arbor vna produ-  
cet, & fructus unus ex diuersis simul commixtus est.  
Quod à Theophrasto fortasse edocti sunt, qui scripserit,  
in palma serito bina iuxta composita semina, superque  
totidem, omnia tamen prona. Germen enim non de  
supinis, cauisq; partibus mittunt, sed è supernis, quater-  
na melius coalescunt. Siquidem horum radices ample-  
xu mutuo connexæ, in vnum ex cunctis caudicem, pri-  
mo ortu promiscuo coeunt. Quod si verum esset, ma-  
xima, & innumerabilia inde prouenirent experimenta.  
Igitur

*Vt baccæ simul discolores proueniant.*

Si multæ baccæ albæ, nigræ, rubræve simul mistæ se-  
rentur, ex varijs earum coliculis, si simul alligarentur, in  
vnum coalitis, baccæ nascentur bicolores. Plinius ab a-  
uibus inuictum modum tradit: inquiens. Semine quo-  
que inserere Natura docuit, raptim aurum fame deuo-  
rato, solidoque & alii repore madido, cum secundo fi-  
mi medicamine abiecto in molibus arborum lecticis,  
& ventis sœpe translato in aliquas corticum rimas: Vn-  
de vidimus cerasum in salice; platanum in lauro, lau-  
rum

rum in ceraso, & baccas simul discolores. Tradunt & monedulam condentem semina in thesauros caver-  
rum eiusdem rei præbere causas. Hoc eodem modo

Fici fructus ex parte albus, & rubi-  
dus fit.

Leontius huiuscmodi coitum ita molitur. Ficaria gra-  
na hac varietate nobilia, linteolo deligata serunt, &  
quum res postularit, transferunt. Si velimus verò

Citry arbor diuersa poma ferat, diuersorum-  
que saporum.

Noster Pontanus in suis hortis elegantissimè docet.  
Versus animi gratia hoc afferemus:

Qui diuersa quidem parua, sed spinosa in urna  
Condat, & educens collo breuiore stolones  
Subducatur, arcetq; manus, ac sub vincula cogat  
Crescentes, hi tandem uno se stipite miscant,  
Atq; uno obducunt se cortice, neve flagella  
Dilabi finito, neu summa cacumina ventus  
Dinellat, cera linito, aut diducat adulta,  
Vnguine dum proprio corpus iunguntur in unum,  
Atq; operit lentum sub eodem cortice gluten,  
Postquam alta steterit radice infossa, & opimum  
Raptarit stirpes saccum, mirabere poma  
Plenaq; grataq; non uno tamen una sapore.

Vt pruni fructus, & mali medica commi-  
scantur.

In nostris libris Agriculturæ non posse in unum coire  
semina multis refragantibus vltio, citroq; rationibus  
iam abunde declarauimus, vt que iam scripserunt, non  
falsa solum, sed impossibilia iudicamus. Nobis vero hoc  
modo ita facere licuit. Quum essent pruni arbores te-  
nerrimæ, & delicatissimæ propè consitæ vitramque si-  
mul obuoluimus, vt solent, qui rudentes nectunt: loca  
contactus prius extima tunicula denudauimus, vt vi-  
uum viuo facilius cohæret, dein philiris, vel vlmis te-  
niolis, alijsve ad nexus molliculis & flexilibus leni-  
ter adstrinximus; vt hoc vinculo separationis libertas

H

demeretur, & si aliqua corporis pars non coiret eius laxitate, cuncolis adactis atctaretur, non tamen ita compressè, vt eas strangulet. Mox ablaqueatis radicibus sumum addidimus, frequenti imbre irrorando, vt his illecebris felicius crescerent: sicaliquibus interiectis annis, vbi mutuo coalitu, velut una arbor facta est, vbi maximè coierint, cacumina detruncauimus, circa quæ complura pullulabunt germina: quæ verò vidimus ex utraq; compage exisse, reliquimus, cætera diremimus, tunc quales diximus dederunt fructus, præcipue venustatis, & commendationis. Vidimus in regum Neapolitanorum hortis, mala medica, quæ continuis irrigationibus opportunè iuuantur, ramorum luxuria, & teneritate adeo simul cohesisse, vt una arbor facta videatur, ex his fructus ex utroq; compositos satis vidimus. Possimus & fictilibus vasculis non illepidè idem efficer, nam in his consitas plantulas poterimus iugis rigatu souere, & facilius in reliquis famulari. Idem in mon accidisse vidimus, locis vdis & opacis, vt vbi se tangunt rami, illicò iungerentur, & discolores baccas produxisse. Si volumus

*vt lactuca habeat in se apium, erucam, ocimum,*

Et alia eiusdem generis. Caprinum, vel ouillum sterco accipito, & quantumuis parum sit, perforato, & industriè euacuato, seminaq; dicta, aut quæcunq; velis in euacuatam partē dense indito: & in profunditatē duorum palmorū deponito stercore, ac raro præsubstrato, deinde tenui terra aggesta, ac sensim aqua rigato, atque etiam vbi enatum fuerit semen, irrorato, assidue stercus inspargendo: & postquam in caulem excreuerint, multo plus diligentia adhibeto, nasceturque lactuca, cum iniectis simul seminibus concreta. Diligentius id monet Palladius. Si caprini stercoris bacam subula subtiliter excauaueris, & in ea semen lactucæ, nasturtij, ocimi, erucæ, & radicis immiseris, & tunc in uolutam fimo bacam terra optimè culta breui scrobe demerseris, raphanus nititur in radicem, cætera semina in summo, lactuca pariter mergente, profiliunt, singulorum sapore seruato.

nato. Alij hoc ita assequuntur. Auulæ lactucæ folia carpunt, quæ radicibus iuncta sunt, & in eisdem gradibus surculo punctis, præter raphanum, semina supradicta deponunt, ac simo adlinunt; sic obruta iterum lactuca, prædictorum seminum caulinibus ambietur. At si scire aues,

*Flores quomodo discolorē nascantur*

ex eodem principio. Si quis variorum eiusdem speciei florum semina linteola deligabit, & seret, ex eoru commixtu nascuntur flores versicolores. Ita aiunt bellidum genera esse nata, qui & aureis, & per ambitum rubentibus, & rubescensibus foliolis stipati visuntur: quin & alij adeò versicoloribus folijs remisti, ut sericeos floccos referant.

*Quomodo geminatus fructus fieri possit, & alter intra alterum concludatur. C A P. VI.*

**A**LTERA est etiam compositionis via, qua fructus vna cōponi possint, non eo modo, quem supra reitauimus, scilicet quod pars vna vnius, altera alterius sit, in eodem fructu, vel quod eodem ramo duo, vel tres fructus diuersi cōspiciantur: sed fructus ab alterio continetur, vt verè geminatus sit, nos priui pferimus. Sed videam⁹ maiores nostros quomō id efficerint, & primō

*Oleouua quomodo fit.*

Diophanes docet oleam in vitem insitam fructum ferre elæostaphylon, hoc est, oleouuam appellatum: Sed Florentinus libro vndeclino suorum Georgicorum ita memoriae mandauit, si quis oleam in vitem inserat, nō solum botryones vuarum, sed oliuam p̄ducet. Ergo propè terram vitem terebramus, & oleæ ramulum impónimus, simul vt à vite dulcedinem, simul vt ab humo vernaculum alliciat nutrimentum, vt tandem eius iucundiore cibo fruamur. Postremo si nondum gerentis viticulæ sarmenta fructuaria transferantur, mixturam progenitorum seruabunt. Porro fructus à promiscua parentum conditione insitoris vtriusq; nomen adoptauit, elæostaphylos Græcis dictus. Talem arborem se vidisse apud Mariūm Maximum perhibet.